

Օշնակ եւ Օշնակ-բերդ<sup>1</sup>, ձալա, Իծաձոր, Խնգեմեկ, Չամբերթան, Մարաշ<sup>2</sup>, Իրիս-բերդ<sup>3</sup>, Փէտէգրէկ, Սակուտ եւ Դորդֆիլի-սայի<sup>4</sup>, առ-ները, որոնք բոլորն էլ անցնում են համանուն գեղերի մօտից, ուսուցում են հանդերը, ախոռները, մացրաները, եայ-

<sup>1</sup> Օշնակ բերդը իր հռչակաւոր ամրոցներով, գեակ-ներով եւ կործանուած տաճարներով վկայում է իր դա-րեւոր պատմական անցեալը, երբ նա իշխել է բերդին եւ երկրին: Բերդը շինուած է Ճորոխի ափին, Բէջիզին լեռ-ների վերջին շերտերի գլխին, որն հսկում է ձորին դէպի արեւելք եւ դէպի արեւմուտք: Կարճոյ դաշտի Օձունը, Լուու Օձունը, Էջմիածնի Օշականը, նոյն իսկ Սպլերի եւ Բալախոռի Օձուա, Օձաեղ, Օշք, Օշկաձոր անունները ցոյց են տալիս Օձերի (Վիշապազանց) պաշտամունքի շրջանը. երբ ընկնների մէջ, ճահիճների շուրջ Վիշապական արձան-ներ էին կանգնեցնում: Այս բերդը ջրաբաշխ կամ ջրայեւ պաշտօնէի եւ իշխանի ամրոց լինելը եւ նրա իշխանութեան տարածման վկայարանն է:

<sup>2</sup> Մարաշի անունը յիշեցնում է հին Մարաշ (Մար-կաջը) Հիտտերի (Հաթթերի), Կոմմագէնի եւ Ալիլիկայի մէջ: Սա իր աւերակներով եւ անցեալով ցոյց է տալիս, որ ինքն էլ Մարաշի փայլուն շրջանում նրա զուգակից, ա-նուանակից եւ մրցակիցն է եղել:

<sup>3</sup> Իրիս-բերդը Կօջէթ բերդի դէմ ու դէմն է, լեռան ներքին փեշերին մի բարձունքի վրայ, ունի միջնաբերդ, ամ-րոցներ, դղեակ եւ բարձր դիրք: Կործանուած են որմերը՝ շէնքերը, մերկ պատերը բարձր կանգնած են: Շէնքի հա-րաւ-արեւելեան պատերը գննում են Ճորոխին. հիւսիս-արեւմտեան որմերը եւ շէնքերը լեռների ստորոտի վերջին բարձունքներին են յառած:

<sup>4</sup> Դորդ-քիլիսէ պարզ թրքական թարգմանու-թիւնն է — Չորս տաճարներ, որոնք գտնուում են, Լազու առ.ի դիմաց, իրար մօտ, սրբատաշ կարծր քարերով, ճար-տարապետական ընտիր ոճով եւ քանդակներով: Միջնա-գարեան կառուցուածք է, հեթանոսական տաճարների հիմք ունի: